

Gvangjsih Minzcuz Bau

Cawjguenj: Gvangsiah Bouxcuengh Swcigih Minzcuz Cunghgyau Swvu Veijyenzei

Cawjbanh: Gvangsiah Minzcuz Bause

Geiz neix 8 banj

广西民族报

Aenhauh okbanj: CN45-0036

B.2022

Nd.8 Ng.24

Liggaeuq nyaemyzin nienz ndwencaet ngeihcaet

Geizsoq: Gungh daih 3538 geiz

Liuz Ningz Youq Nanzningz Si Sanglinz Yen Diuyenz 刘宁在南宁市上林县调研

8 nyied 21 hauh, Swcigih Dangveij suhgi, Swcigih Yinzda Cangzveijvei cujyin Liuz Ningz youq Nanzningz Si Sanglinz Yen, diuyenz hwnqguh aen hanghmoeg hung, hwnqguh gizdieg ginghci, doinyoengx saenqhwnq lajmbanj daengj, giengz-diuh aeu gyalai roxyiuj gij yiye gietdingh “song aen dinghlaeb”, giengiet guh daengz “song aen henhoh”, cienzmienh gvancez doek-saed gij cingsaenz gangviah youqgaenj “4·27” Siz Ginbingz cungjsuhgi cazyawj Gvangsiah caeuq gij iugouz cijsi youqgaenj naeuz hong Gvangsiah, caezcienz, cinjdeng, cienzmienh gvancez gij leixniemh hwnqguh moq, doeksaed gij iugouz youqgaenj “binghraq aeu fuengz ndaej, ginghci aeu onj ndaej, hwnqguh aeu ancienz”,

hwnqguh guhhung canjyez miz daegsaek, doinyoengx ginghci gizdieg hwnqguh youh ndei youh vaiq, haenq-rengz gyamaenh gya'gvangq ndei gij cwngzgoj vutgungz gunggeng, cienzmienh doinyoengx saenqhwnq lajmbanj, netsaed doinyoengx caez-caemh baenzmiz, dungjcouz guh ndei gaemhanh binghraq caeuq hwnqguh ginghci aenbiengz, yungh hengz-doengh saedsaeh ciepcoux Ngeihcib Daih Aendangj hai ndaej baenz.

Sanglinz Yen Cunghhoz Siengbau Mizhanh Gunghswi dwg aen giyez comz guh daehdajcang, daehraek, daehdennauj, daehlihingz, habcaw-bauj daengj, seizneix youq Sanglinz Yen 4 aen yanghcin dieg comz anceiq miz aen cehgenh bangfuz. Liuz Ningz giengzdiuh, Sanglinz Yen dwg aen

yienh gungzhoj guekgia gaxgonq dingh, aeu gyamaenh gya'gvangq gij cwngzgoj vutgungz gunggeng baij youq dieg daih'it, fatok gij cozyung daiqdoengh aen giyez lingxdaeuz, youq bakdou ranz cauh engqlai gihvei guhhong, hawj vunzlai youq bakdou ranz couh ndaej guhhong ra ngaenz. Aeu gaenxmaenx gya'gvangq dieg moq hwnqguh canjyez lajmbanj, gungganq guhhung gij canjyez hawj gizdieg baenzmiz, doinyoengx gyamaenh gya'gvangq gij cwngzgoj vutgungz gunggeng caeuq saenqhwnq lajmbanj doxciep ndeindi, vih doinyoengx cienzmienh saenqhwnq lajmbanj, saedyienh nungzyez nungz-cunh yendaiva gunghawj cengjdingj maenhsaed.

Sanglinz dwg aen dieg souhlaux

seiqgyaiq, aen yienh yienghndei hwnqguh guekgia swnghdai vwnz-mingz, aen yienh okmingz lijyouz miz daegsaek Gvangsiah, ndaej haenh baenz “suenva laeng ranz” Nanzningz, swnghdai lijyouz swhyenz lai. Youq Dalungzhuz, Liuz Ningz daengz dieg cazyawj roxyiuj dangdieg swnghdai vanzging baujhoh ndaej baenzlawz yiengh, giengzdiuh aeu dingjmaenh swnghdai youq gonq, hwnqguh saekheu, cungfaen yungh ndei gij bya dah daegbied gagmiz dangdieg, haenq-rengz hwnqguh canjyez swnghdai saekheu, roengzrengz doinyoengx hwnqguh saekheu hamj ok yamqdin moq, hawj bouxminz lai raen ndaejleih, raen vuenyungz, raen ancienz.

(Cinz Yizcwz)

Ginhsiu: Lwgnyez Angq Hag Ywdoj

金秀:中医药亲子研学乐

8 nyied 20 hauh, youq Ginhsiu Yauzcuz Swciyen Ginhsiu Cin, lauxsae ywdoj cinq son gyoengq lwgnyez roxnaj ywdoj. Ndaw sujgyaj, haujlai bohranz aen yienh neix hawj lwgnyez bae camgya aen hozdung lwgnyez hag ywdoj, muzdiz dwg son lwgnyez yawj, roxnaj doengh goywdoj, hawj lwgnyez lai yinx ywdoj, daj iq hag caeuq cienzswnj vwnzva ywdoj, hawj ndwenngoenz gyajgeiz lai miz yinxdaeuz.

(Gauh Yuzginh ingj)



Bwzswz Si Banh Daihcibseiq Geiz Daengx Guek Gak Minzcuz Bouxcoz Nyezrauh Dungzsinhyingz (Gvangsiah Fwnhyingz) Hozdung

百色市举办第十四期全国各民族青少年同心营(广西分营)活动

Mboengqneix, Daihcibseiq Geiz Daengx Guek Gak Minzcuz Bouxcoz Nyezrauh Dungzsinhyingz (Gvangsiah Fwnhyingz) Hozdung “Cunghvaz Minzcuz ranz caen ndeu doengzsim angqcoux Ngeihcib Daih” youz Gunghcinghdonz Bwzswz Siveij caeuq Bwzswz Si Minzcunghveij cawjbanh haenx youq Bwzswz guhsat.

Hozdung cawjdaez dwg “couq-maenh gij eiqsik caezcaemh Cunghvaz Minzcuz”, 50 boux bouxcoz nyezrauh

8 aen minzcuz daengx gih bae yawjngonz Bwzswz Gijyi Geiqniemh-guenj, Yougyangh Minzcuz Boz-vuzgvanz, Bwzswz Yozyen Bozvuzgvanz daengj dieg saekhoengz, caemhcaiq youq Dieggaeuq Cungguek Gungh-nungz Hungzginh Daihcaet Ginh, Baksoq Bwzswz, Dieggaeuq Denzdungh Yen Suhveizaih Cwngfuj daengj dieg guh hozdung daejniemh minzcuz vwnzva, doenggvaq san haizcauj, guh muhmeh, doxdax dwkgyangq, mbaet

makgai daengj, hawj gyoengq sausenhduiyenz gak cuz caezcaemh roxnayh gij vwnzva daegsaek dieglaux gwzming Bwzswz, gyalai nyinhdoengz cingz minzcuz doxgiet, hawj caezgya lai dox baedauq doxgyau doxyungz.

Ciuq cam rox, dungzsinhyingz hozdung dwg aen hanghmoeg binjbaiz gyauyuz minzcuz doxgiet bouxcoz nyezrauh daengx guek ndeu, muzdiz dwg dap aen bingzdaiz hawj hagseng gak minzcuz doxgyau, majhung, vih

coicaenh bouxcoz nyezrauh gak minzcuz dox baedauq doxgyau doxyungz, couqmaenh gij eiqsik caez-caemh Cunghvaz Minzcuz gunghawj gaiqdap ndei, hawj bouxcoz nyezrauh gak cuz gyalai nyinhdoengz aen guekcoj hungmbwk, Cunghvaz Minzcuz, Cunghvaz vwnzva, Cungguek Gunghanjdangj, sevei cujyi miz daegsaek Cungguek.

(Vuj Cunghgoz)